

## 1. UVODNI DIO

Tema ovog rada je upoznavanje radnih odnosa sa svojstvima i karakteristikama, kao i ukazivanje na važnost istih. Kroz ovaj rad, analizom sadržaja, želim ukazati da se radno pravo i radno zakonodavstvo Bosne i Hercegovine, kao samostalna grana prava i naučna disciplina u posljednjih desetak godina na svom putu prilagođavanja tržišnom načinu privređivanja kao i humaniziranja sa sistemom radnih odnosa u Evropskoj uniji, doživljava dinamiku i raznovrstan razvoj. Taj razvoj uveliko prate posebne specifičnosti i transformacije koje su odraz uređenja Bosne i Hercegovine, odnosno društvene situacije nastale u procesu političke i ekonomske tranzicije. Donošenjem zakona o radu pri kraju dvadesetog vijeka, a i mnoštvo drugih propisa kojima se regulišu radni odnosi, Bosna i Hercegovina je rekodificirala dotadašnje radno zakonodavstvo.

Bosna i Hercegovina kao složena država, sastoji se iz dva entiteta i to: Federacije BiH, i Republike Srpske i Brčko Distrikta. U okviru Federacije BiH, postoji i deset kantona. Imajući u vidu društveno – političko uređenje Bosne i Hercegovine, koje je složeno i dosta nejasno definisano, problem zakonskog regulisanja radnih odnosa dobija na težini. Normativno podijeljeno radno zakonodavstvo u Bosni i Hercegovini između entiteta Bosne i Hercegovine i kantona, stvara probleme u definisanju osnovnih načela radnog zakonodavstva.

Analizom sadržaja Zakona o radu Federacije Bosne i Hercegovine („ Službene novine F BiH“, broj: 43/99, 32/00 i 29/03), Zakona o radu Republike Srpske („ Službeni glasnik RS“, broj: 55/07) i Zakona o radu Brčko Distrikta („ Službeni glasnik BD“, broj: 7/00), Ustavom BiH, Ustavom F BiH, Ustavom RS i Statutom Brčko Distrikta BiH, ću nastojati dokazati da se zakoni u vezi sa ovom tematikom, doživjeli dinamičan i raznovrstan razvoj.

Osim korištenja Zakona o radu, koristiti ću i druge izvore radnog prava i radnih odnosa. Također, ću obratiti pažnju na stručne radove mog mentora prof.dr. Mandić Mladena iz oblasti Radnog prava, iz bilješki i skripti sa predavanja nastavnog predmeta Radno pravo kod istog.

Pored ovog autora koristit ću i literaturu koju sam naišla u svom istraživanju, a koju su radili slijedeći autori:

- prof. dr. Sead Dedić i doc. dr. Jasminka Gradašćević – Sijerčić, Radno pravo
- dr. Joško Parlain, Radno pravo - Osnovna pitanja radnog prava,
- prof. dr. Nikola Tintić, Radno i socijalno pravo,
- prof. dr. Božo Žepić, Radno i socijalno pravo,
- Ljubo Todorović, Normativni akti iz radnog odnosa